



DEO OPTIMO MAX.

UNI ET TRINO,

VIRGINI DEI - PARÆ, ET S. LUCÆ  
Orthodoxorum Medicorum Patrono.

QUÆSTIO MEDICO-CHIRURGICA,\*

QUOD LIBETARIIS DISPUTATIONIBUS  
*manè discutienda, in Scholis Medicorum, die Jovis decimâ-octavâ  
mensis Martii, anno Domini M. DCC. LVI.*

M. CAROLO GILLOT, Legationis Gallicæ ad S. Sedem  
Apostolicam Medico ordinario, Doctore Medico, Præside.

*An fracto Cranio semper admovenda Terebra?*

I.



REBRUM, nobile illud spiritûs animalis & vitæ promptuarium;  
cûm loci sublimitate, tûm substantiæ mollioris friabilitate, exter-  
nis undique pateret insultibus, nisi ossæ veluti galeâ ipsum mu-  
niisset Natura prudens. Sed ex ipso securitatis fonte manat pericu-  
lorum uberrima scaturigo. Ipsa Calvariæ soliditas in Hominis de-  
trimentum sæpe vertitur. Irruentium mole ac impetu graviter læ-  
duntur Integumenta, periculose contunditur Pericranium, ideo quòd subiecta  
obnitatur Calvaria. Effracto Cranio, prominentia quandoque ossium acumina  
membranas excruciant; aliàs effusus per collisionem humor difficilis excernitur;  
aut contusæ Meninges commotumve Cerebrum Resolventium beneficiis minùs  
fruuntur; quoniam præcludit iter solidior pixidis ossæ substantia. Hinc percussio  
vehementer Capite, horrenda pullulat Symptomatum caterva. Homo concidit

\* Auctore M. HYACINTHO-THEOD. BARON, Fil. anno 1732.

A

2

exanimis, caligant Oculi, surdescunt Aures, obmutescit Lingua, Sanguinem auxilibus, Naribus, Oculis excernit; sequitur Nausea Bilisque Vomitus; mox sævit ut plurimum acutissima Febris; Caput dolet, imprimis quâ parte percussus est: vertigine corripitur æger, spirandi difficultate, Vetro, Stupore, Paralyfi, Convulsione, Delirio. Sic afflictis ægroti rebus, quodnam adhibendum auxilii genus? Cuiusnam implorabis opem? Jam adsunt qui, compertâ in Cranio rimâ, Trepanum prædicant; jam terribilem instruunt operationis apparatus. At siste Manum. Humano Capiti ferrum immittere non licet, nisi de Operationis necessitate constiterit. Non semper celebranda Operatio, quæ nunquam expers periculi, aliquando inutilis est.

## I I.

**C**ORPORUM contudentium durior habetudo graviorque moles periculosissimè caput afficiunt. Hæc, Cranium distringendo, Meningibus intrudunt ossium fragmenta, spiculis suis exquisitissimi sensus membranas crudeliter læcessitura. Est ubi tabula ossium exterior, spongiosa Diploe innixa; impingenti resistit telo, dum interna, tenuior, nec pari adminiculo suffulta, dissilit. Sæpè ultra Cranium propagatur frangentis energia, & Cerebrum obvolvuntque Membranzæ contunduntur. Sic disruptis commoti Cerebri aut duræ Matri: læceratæ vasis, intrâ Cranium effunditur humor, qui mole Cerebrum comprimens, & acedine, quam morâ contrahit, Membranas irritans, dira suscitât symptomata. Porro si tactu visuvæ pateat ossa, sub ipso ictu depressa, Cerebrum comprimere Membranasque pungere; si auctis, vel non remittentibus Symptomatis, ex sapientis Medici iudicio, effusus intra Cranium stagnet humor; si nec ossium fragmenta remove, nec ipsis remotis liceat depressas partes restituere, aut effusis liquoribus exitum concedere, haud morâ solers ad moveatur manus. Nudetur Cranium, si vulnere omnino non, vel non satis nudatum fuerit. Mox Ossi admoveatur Terebra, quam undequaque æqualiter serrantem leniter prudenterque circumagat Chirurgus. Tum resectus Cranii orbiculus Elevatorio educitur, totiesque iterum applicatur Terebra, donec satis patens sit Chirurgus foramen. Hæc viâ, licebit illic Ossi fragmenta, subiectis infesta Meningibus, eximere Volsellis, Forficibus excindere, Vecte elevare, Meningophilace adæquare, Cruorem Venis effusum exhaurire vel saniem, læsis demùm Meningibus remedia commo-diùs admovere. Quod si, operatione peractâ, ex humore lividis Meningibus coercito, non remittant Symptomata, nihilque, osse terebrato, profluat, Scalpelliscuspide Membranas attingere ne dubites. Sic prudenter administratæ operationis felix laudabitur eventus, aut si minùs prosperè cesserit, non criminabitur Operatio, cujus occasio fuerit Necessitas.

## I I I.

**U**T variæ sunt Fracturarum Cranii differentiz, sic varia illis decernenda curandi methodus. Non semper eadem est ictuum casuumque vehementia, non est in omnibus eadem Calvariz soliditas, nec semper est idem Fracturarum modus. Nunc exteriorem tantùm vel utramque Ossis tabulam capillaris fissura dividit; modò evidentior est rima, licet nullis prominentibus aculeis aspera, & apprimè conniventibus Fracturæ marginibus. Frangendo Cranio sæpe totus impenditur frangentis impetus, dum intacta manet Membrantarum Vasorumque continuïtas. Sic læso mitiùs Capite, non te deterreat Symptomatum vehementia. Hæc ut ab effusis intrâ Cranium humoribus aut pungentibus ossiculis quâdoque procedunt, sic etiam aliquando à solâ membranarum leviori Contusione ipsarumve Phlogosi, ducunt originem. Dura Meninx, Cranium firmiter undique adharens, collisionis impetum persentiscit ipsa vellicaturque. Contudentis impetu,

Carotidis externæ famuli, Capitis integumenta perrepantes, fortiter comprimuntur: hinc Sanguis ipsis contentus, tum versùs capillares tubulos validè cogitur, tum versùs Carotidis truncum refluit impetuosiùs. Sic in omnibus Carotidis externæ furculis, majori mole & citatori motu actus Cruor, ruit quàm minor est resistentia, ruptisque repagulis, vel tumorem in parte remotà suscitât, vel Naribus, Auribus, &c. proflit. Duræ Marris Arteria, tum & carotis interna, hujus quoque refluxus participes, Sanguinem vehementiùs propulsum uberius excipiunt & dilatantur ampliùs, hinc ingurgitantur inflammanturque Membranæ: hinc intercurrentibus Arteris medullaris comprimitur Cerebri substantia, eò magis quòd Phlogosi convulsæ Meninges, arcendo Calvariæ sinus, Sanguini moram pariant in Cerebrò. In Nervos etiam propagatur strictura & irritatio Meningum, quæ ipsis assiduæ comites involucri suppeditant. Sic imminutà, cohibita, perversa Spirituum distributione, tota cohibetur pervertiturque motuum animalium œconomia. Nunquid hæc omnia Trepani necessitate arguunt? Minimè. Imò Terebræ applicationem, quæ ex se nunquam expers est periculi, aliquandò inutilem esse meritò affirmaveris.

## I V.

**I**DEO Fracturæ Cranii admoventur Terebra ut effusus & flagrantibus humoribus aperiatur iter, vel depressæ restituantur partes. Quæ Calvariæ Fracturam committantur Symptomata Trepanum non semper exoptulant; sed operationem dehortantur, si paululùm remiserint. Compresso sub benigniore Fracturâ Cranio, dura Meninx, quæ ipsi firmiter alligatur, distrahitur, inflammatur, rumpuntur ipsius connexionis funiculi: sed quid distractâ? Quid à Cranio sejuncta, aut inflammata durâ Meninge proderit Trepanum? Largioribus & reperitis Sanguinis missionibus, extremè tenui Victu, Resolventium cephalicorum applicatione, instituenda est humoris in Meningibus hærentis discussio. Sic, inquit Ruischius, \* tam solers in Chirurgicis, quàm perspicax in Anatomicis, non rarò felicissimè opem tui verè etiam Cranii Fracturâ laborantibus, quorum capitibus jam Scalpelli incisuram introminebat. Depletis Venæ sectione valis, in liberiores ipsorum alveum eructabant capillaria sanguinem, quo nimium turgent. Tenuis fomenti discutientis partes, intra Cranium admixtæ, nimis hærentes aut Revulsionis imperio minùs obsequentes succos attenuabunt & resolvent. Non timeas ne ex ruptis Calvariæ ossibus exudans humor acredinem concipiat aut descendat in Meninges. Roris istius stillatio, quæ in cæterorum ossium fracturis, ipsorum ferruminationi confert, fracto Cranio simile conferet emolumentum. Absit credas exiguum duræ Marris à Cranio divulsionem humoris intra Cranium effusioni ansam necessariò præbere; Periosteum, in simplici Artuum fracturâ ab osse sejunctum, rursùs cum eo faciliè glutinatur sine effusionis metu: quidni & dura Mater, quæ Periostei vices gerit? At queris undenam, ingruentibus Symptomatis, certò constabit nullum intra Cranium effundi liquorem, nulloque adesse pungentes ossiculos? Expecta paulisper. Videas num Remediorum usu remittant Symptomata. Pungentiæ ossium acumina, & effusus intra Cranium humor vulgaribus non cedunt præsidii. Num ex illorum applicatione mitescent omnia? Humorem circulationis legibus subijci, spiculorumque absentiam certò conjicies, & incœptam medicamentis absolves curationem.

\* Observi:  
Chirurg.  
LX.

## V.

**A**PAGE igitur eos, qui, fracto Cranio, ad Trepanum semper trepidi concurrerent. Ne dicant Terebræ applicationem non adeò reformidandam esse. Quid semper perforas Calvariam incertus effusionis in Cranio, compressionisve? Non sic liceat experimenta per mortes agere. Crudelitatis aut ignorantie meritum in-

curteret labem, qui sine necessitate operationem aggrederetur, unde pro incertis levaminis spe, certa venirent ægrotanti pericula. Quid autem non timendum ex levioribus operantis Chirurgi peccatis? Si nempe, vel nimis, vel inæqualiter Terebram agitando, duram Meningem attigerit Serra: quid, si quâ parte applicatur Trepanum, duæ ossis tabulæ se se contingant, ut non raro visum est? Quid si duræ Matris Arteria, quæ internam ossium superficiem perreptare solet, profundo sinu, aut ossicâ includatur laminâ? Tunc enim ossis & arteriæ simul perficitur excisio, vel dum secta ossis pars educitur vecte, inclusa quoque abripiatur arteria. Num feliciter operatio peracta est? En ab aere circumfusio imminet non leve periculum. Nihilne involvit timoris diuturna duræ Meningis denudatio, ipsius Phlogosis haud infrequens causa? Nihilne assert discriminis Capiti foramen infligere, necnisi post exfoliationem lentissimam occludendum? Uno verbo sic semper celebratâ operatione, sæpe decumberet in lecto per quinquaginta dies, non ex morbo, sed ex operatione ægrotans, minimo in rebus Nonnaturalibus errore capite plectendus, qui convenienti remediorum usu intra paucos dies incolumis evasisset. Hæc igitur te doceant reformidare, tibi que sapientem incutiant metum. Admoveas Trepanum, sed nunquam admoveas inutiliter. Quæ jubet Prudentia ut Terebres, cum certa sunt effusionis compressionisque signa, hæc eadem postulat ut non omni Fracturæ Trepanum applies. Magnum Chirurgiæ principem auscultata Celsus, \* qui fracto fistove Osse, experiri Remedia multò meliùs esse judicavit, quàm admovere Ferramenta. Sic prudenter cunctando nonnunquam restituitur res, inutilisque declinatur Operatio, ægrotanti plerumque Inctiosa.

\* Lib. VIII.  
Cap. IV.

*Ergò fracto Cranio non semper admovenda Terebra,*

## DOMINI DOCTORES DISPUTATURI.

*M. Joannes-Franciscus-Clemens Morand, Eques, Stanislaus Poloniarum Regis, Lorbaringis & Barre Ducis, Consiliarius Medicus ordinarius, Regii Nanceianorum Medicorum Collegii Socius Honorarius, necnon à Regiâ Societate Lugduni.*

*M. Martinus Nouguez.*

*M. Ambrosius Hosty.*

*M. Joannes Mac-Mahon, Antiquus exercitus Regii ad Rhenum & Hospitalium Militarum in Alsatiâ Medicus, Regis Consiliarius & Regiæ Militaris Scholæ Medicus ordinarius.*

*M. Ludovicus-Claudius Bourdelin, Antiquus Facultatis Decanus, Regiæ Scientiarum Academia, Regiæque Societatis Londinensis Socius, & in Horto Regio Chimia Professor.*

*M. Michael Ludovicus Vernage, Eques, & Regius Censor.*

*M. Ludovicus - Alexander Gervaise, Chirurgia Gallica idiome Professor designatus.*

*M. Franciscus Thierry.*

*M. Claudius-Antonius Renard.*

Proponebat Parisiis JOANNES-BAPTISTA-FRANCISCUS DE LA RIVIERE, Parisinus, Saluberrimæ Facultatis Medicinæ Parisiensis Baccalaureus, A. R. S. H. 1756, A SEXTA AD MERIDIEM.